

寧都直隸州志卷十四

廣德劉
太平梁棲鸞
丙纂輯

武事志

漢元鼎六年秋餘善入白沙武林梅嶺殺漢三校尉天子

遣中尉王溫舒出梅嶺擊東越

史記東越傳

按通典括地志皆謂梅嶺在虔化縣通鑒注引之然以地勢攷之惟王溫舒所出之梅嶺是州東北九十里之梅嶺其樓船將軍擊南越裨將庾勝城而戍之之梅嶺在漢時則名庾嶺楊僕上書願引兵擊東越上不許令

寧都直隸州志

卷之十四

武事志

一

諸校屯豫章梅嶺待命之梅嶺乃會昌縣之梅嶺今名桐嶺也說詳山川志梅嶺下茲更以近事證之康熙十三年耿精忠反海賊鄭錦入踞泉州十四年李文貞公光地密疏陳破賊機宜謂耿逆悉力於仙霞杉關鄭賊并命於漳潮之界惟汀州小路與贛州接壤處賊所置守禦不過千百疲卒竊聞大兵分道南來皆于賊兵多處盡力鏖戰而不知出奇以擣其虛此計之失也誠從小路橫貫其腹則三路之賊不戰自潰按此與史記擊東越之兵極相似汀州小路與贛接壤處皆在陽都瑞金石城諸境王溫舒所出之梅嶺卽其一也蓋陽都雖

非閩省扼要之區然東之仙霞杉關西之軍門嶺則皆
視陽都一路爲間道竒兵文貞公之陳奏殆本之史記
東越傳歟

梁大寶元年六月高州刺史李遷仕據大臯遣主帥杜平

虜率千人入贛石魚梁高祖命周文育將兵擊走之遷仕

奔陽都

陳書武帝本紀

遷仕與陽都人劉孝尚

本紀名藹

併力將襲南

康高祖又令僧明與文育等拒之相持連戰百餘日

杜僧明傳

二年三月僧明等攻拔其城生擒遷仕送南康高祖斬之

陳高祖本紀

按通鑑考異引太清紀云遷仕追霸先於雩都連營相

寧都直隸州志

卷之十四

武事志

二

拒百餘日是時瑞金未建縣遷仕追霸先於雩都是由

陽都向瑞金也今瑞金縣東五十里陳石山有將臺點

兵寨相傳是武帝遺蹟

宋高宗建炎四年虔州賊李敦仁連陷贛郡諸邑十月破

石城縣邑人陳皓及二子敏球力戰斬李世昌生擒李世

立收復石城進取陽都至紹興二年三月敦仁等就撫悉

授官隸諸軍

參郡邑志及陳皓傳

建炎中周十隆張大閑謝凱尹寶謝小鬼等攻破興國雩

都虔化瑞金等縣安撫使李綱遣州將何榮申討之復興

國縣追至贛縣界殺死賊衆五百餘人後統制官李貴入

寨招論其黨悉就撫而十隆不從至紹興十一年始定贛郡

張志

按虔吉盜周十隆等連兵犯循梅汀州詔岳飛合兵捕
之事在紹興三年二月四年八月周十隆降爲官軍所
掠復遁五年正月周十隆結集賊徒在虔化等縣殺人
放火七年五月詔李綱捕虔吉諸盜責諸縣募兵訓練
十一年二月虔吉盜悉平並見宏簡錄宋史岳飛傳及
豫章書李忠定公奏議

又按紹興二十二年七月齊述據虔州叛鄧酢以陽都
兵扼水東是時寇未及境邑志不載宜也此條周十隆
寧都直隸州志

卷之十四 武事志

三

等攻破虔化瑞金乃瑞金志載而陽都不載

理宗紹定二年九月石城張遇隆文勝反於平固連破陽
都瑞石興雩五縣安撫李壽明通判趙彥覃討平之舊志

帝熈德祐二年即端宗景炎元年元至元十三年六月吳浚聚兵於廣昌

復南豐宜黃陽都三縣元以汀州兵戍瑞金縣七月文天
祥開府南劍州經畧江西八月張世傑遣兵助吳浚與元
帥李恒戰兜零兵敗奔陽都宏簡錄十月天祥帥師次汀州

遣趙時賞等將一軍趨贛以取陽都吳浚將一軍取雩都

宋史紀事十二月吳浚退走入瑞金景炎二年正月吳浚棄瑞

金遁天祥走汀州浚尋還汀州降宏簡錄

按瑞金志云景炎元年十月文信國帥師次於汀時元兵侵徇贛寇猖獗血污閩廣之路瑞金被害尤甚又云德祐二年卽至元十三年閩寇犯境官宇民舍悉爲煨燼此複書德祐二年卽景炎元年亦卽元世祖至元十三年

元世祖至元二十六年循州賊鐘明亮寇贛南掠陽都據秀嶺與廣東董賢舉台州楊鎮龍柳世英相應元史世祖本紀五

月明亮率衆二萬來降宣慰使月的迷失請以明亮爲循州知州帝不允明亮復叛命如德統四省兵討之如德遣使諭以禍福明亮復詣贛州降贛郡張志作詣石城降本紀明亮復降在二十七年

寧都直隸州志

卷之十四

武事志

四

二 詔縛至大都如德留之不遣管如德傳

按鐘明亮叛伏不常元史本紀未載討平年月明天啟贛郡謝志謂賊擁十餘騎詣石城降兵不血刃而民獲安堵歸功于管如德故節錄管如德本傳而附注明亮之降之在石城

仁宗延祐二年四月陽都州蔡五九聚衆免子寮五王廟張漢高旗幟殺趙州同圍州城燒四關勢甚猖獗奏遣張驢討之五王廟者妖祠也像設極魔怪人莫敢側目土人類縛生口以祭我軍見之畏縮押錄王榮叔獨奮義火之三火三滅乃取婦人褻衣冪神首一火而燼遂平其地石

城弓兵宋伏成於木麻坑擒五九伏誅縣志舊

按石城山川志載蔡五九起兵牙梳山此言兔子寮蓋聚兵處也仁宗本紀延祐二年八月贛州蔡五九陷汀州府屬縣汀州府志年月同又謂五九僭稱王詔遣江浙行省張驢等討之九月五日衆潰五九伏誅視石城志尤詳又乾隆壬寅贛郡新志引元史臺臣言蔡五九之變皆由昵匝馬丁經理田糧與郡縣橫加酷暴逼抑至此乞罷經理及冒括田租制曰可首尾尤完備足補舊志所未及

順帝至正十二年僞漢將熊天瑞率衆攻陽都守將遁走

寧都直隸州志

卷之十四 武事志

五

州人彭舜榮等計畫堅守城賴以全明兵至舉州投歛舊博

濟廟記及彭舜榮傳

按熊天瑞之降在至正二十五年明太祖吳二年據此則知至

正十二年天瑞已據贛歸僞漢矣秩官志謂州達魯花赤自至正十一年因元亂無攷竊意是時海宇分裂朝制不復除官彭舜榮以公直爲閭里所推能保境以待明師之至而不污僞漢之命比之錢鏐殆庶幾焉

明太祖洪武十八年廣寇周三官作亂瑞金人民逃竄田

地荒蕪瑞金志

按贛郡張志廣賊周三官謝士真攻劫龍南信豐雩都

破其城焚掠甚慘統兵官尹和先討平之初不言犯瑞金界也瑞金志亦未載賊兵入境月日然則人民逃竄田地荒蕪之故亦風鶴皆兵撫禦無術之所致耳紀之武事志雖似失實然深足爲長民者戒故仍舊文不卽就刪

明英宗正統十三年福建沙縣賊鄧茂七自稱閩王江西都指揮劉順贛衛指揮馮廣領兵一千守石城十一月茂七黨陳椿八率衆數千入篁竹坑邏者報賊止四五十時邑令公出順聞而輕之遣百人入賊營縱發火炮出其不意殺數十賊又縛其部總湯社長椿八大怒後三日盡率

寧都直隸州志

卷之十四

武事志

六

其衆攻城順復輕之城遂陷

參郡邑舊志

按鄧茂七之亂石城被焚殺最慘民至結茅以栖汀州推官王得仁守汀州城乘茂七不意大破之餘寇復攻汀州得仁率民兵赴援又敗之石城志特載邑令公出之語蓋是時邑令爲朱公淳廣東曲江人志稱其廉慎自持民胥感服若曰使朱公而在安見吾民不能如汀民之從王公擊賊於長汀又擊賊於屬縣也此其因遭慘酷而惓念賢令良可哀矣贛郡張志獨刪此句今從縣志備錄以紀其實

又按郡國利病書引郭造卿處置柯陳議曰正統間汀

州有陳正景者武斷其鄉江西建昌鄧茂七依之而沙尤之寇□起至陷石城殺大將及方面有司勞朝廷遣侯伯領京軍征之乃弭由於撲之不早也

十四年三月閩賊陷瑞金

江西通志

按通志此條本明書本紀然明史稿英宗本紀不載閩賊陷瑞金事

憲宗成化二十年廣閩流寇犯瑞金境贛州總捕同知王廷珪督民快禦之爲所害

贛郡張志

二十三年八月石門賊楊九龍合武平賊劉昂攻破信豐大掠龍南是時瑞金羣盜鴟張燬民廬舍江西巡撫李昂

寧都直隸州志

卷之十四

武事志

七

督三省兵討平之擒斬九龍等設守備行司於石城設堤備行司於瑞金

參省郡邑志

按郡國利病書設石城守備行司瑞金堤備行司俱係成化十九年事

孝宗宏治十八年元旦廣破瑞金縣城知縣萬琛率衆禦賊死之

瑞金志

武宗正德五年泃頭賊劫掠陽都二次

郡國利病書

安遠賊何積玉葉芳寇瑞金

瑞金志

時賊黨流劫各縣石城民走避山

寨城爲一空明年賊黨六寇石城嚴禦之賊不敢逼

石城志

按宏治八年始設南贛巡撫正德元年命都御史兼制

四省接境府州隨宜調度其所轄則江西之南安贛州建昌福建之汀州廣東之潮州惠州南雄湖廣之郴州是時州治及瑞石二屬邑均在虔撫節制之中茲特附紀於武事志此條之下

正德閒大帽山賊首張番壇李四仔鍾聰劉條黃鏞等聚徒數千流劫攻陷汀州屬石城萬安諸縣石城志

世宗嘉靖十八年六月流賊劉松一切掠瑞金縣陳傘諸處知縣王鈇率義勇兵快擒之瑞金志

十九年團溪山賊首劉操等劫掠陽都瑞金瑞金知縣王鈇生擒操等三十餘人解赴軍門瑞金志

寧都直隸州志

卷之十四

武事志

八

按團溪山卽州境之團箕山是山與瑞金交界陽都舊志未載此條

二十八年起造營房於石城站嶺站嶺界連汀州前後二十里並無人烟客商往來多被殘害至是始分兵把守談愷

虔臺志

三十一年陽都知縣潘翊典史梁富春捕獲東山坵老賊李延等解送軍門先是延等潛伏鉄馬寨立號分夥劫掠

窩逃至是伏誅

談愷續志

三十六年十一月閩賊過石城寇南豐石城志十二月廣寇

梁能總衆三千由鶩公嶺掠壬田寨經過東山坵雞犬一

空瑞金志

三十八年七月流寇泊陽都東山埧縣發穀募民兵禦寇死者數百人舊志

三十九年岑岡賊李文彪焚掠龍南遂合廣東流賊寇掠石城瑞金雩都南康贛縣進及泰和殺汪副使及各指揮軍潰虔撫楊志伊坐罷而以布政陸穩代之諸寇尋平石城志

贛志張郡

四十年閩寇自汀州攻石城不克而去犯瑞金境五月廣賊由汀州至石城攻圍半月城中嚴禦之賊遁去八月汀賊由石城城下經過寇廣昌是歲閩廣賊兩攻石城一過

寧都直隸州志

卷之十四 武事志

九

石城城下皆失利去典史雷墊力也時流寇劫掠江境石城土人避洪石寨者千計寨破墮崖死者多於所殺惟一
二墮積屍上者得免參瑞金志

四十一年廣賊自廣昌入石城界知有備而去七月又自瑞金至石城長江往汀州贛兵追敗之石城志

四十二年程鄉賊溫鑑等趨瑞金遇嶺北道副使連敗之賊奔歸程鄉瑞金志

四十三年廣寇梁道輝劫瑞金縣壬田寨瑞金志

按嘉靖閒倭寇猖獗閩廣江右諸山賊遂乘是而起南贛惠潮閒如班竹樓大帽山連子山上杭之三塗武平

之巖前象湖連城之朗村皆盜窟也四出剽掠長吏莫能制時三塗賊最强戚公繼光招撫之至松江平倭有功渠帥賴某授上杭世襲百戶唐荆川武編所稱福建賴家兵是也其廣賊或擾閩賊或擾江右諸境後皆爲官兵堵殺殆盡其餘或勦或撫以次就平迄隆慶四年始獲安集贛郡志首尾不全所載三十九年度撫楊志伊坐罷以布政陸穩代之諸寇尋平者蓋終言之非謂諸寇之平平於三十九年也惟李元仲汀州志所載最詳特備錄之以見閩廣有警無不與州治及所屬之邑利害相關

寧都直隸州志

卷之十四

武事志

十

崇禎四年廣賊鍾凌秀犯瑞金

瑞金志云扎營南岡

有僧守宗及江

向吾率兵殺賊數十焚其營賊遁去明年賊復道過瑞金

瑞金志作復過陽都

守宗向吾仍率義勇追之

瑞金志云追至黃石礮

爲賊所

敗歿於陣丁壯死者數百人

贛郡張志

十五年廣賊閩王總副刀總番天營豬婆總凡十餘種流劫各縣村落瑞金各村落被其沿劫明年攻破安遠及石

城諸寨

參贛郡張志瑞金志

國朝順治二年廣賊謝至良假稱官兵道由瑞金邑不設備

掠城外財物一空圍城數匝居民恐賊屯住自焚附近城

屋賊亦縱火焚燬畧盡乃去

瑞金志

是歲九月石城賊吳萬乾糾集佃戶號田兵又要聯客綱頭目與陽都瑞金汀州等處客戶相爲聲援萬乾據石馬寨是年六圍石城燬村落幾盡三年五月萬乾統賊萬餘攻石城七日而去四年五月署縣事方尙賢請兵捕勦侯天龍領馬步數千圍石馬寨萬乾走匿汀州界旋爲汀州緝得伏誅

石城志

石城縣志曰石城額租一石收耗折一斗名爲桶面萬乾借除桶面爲名諸佃戶從之遂號田兵

順治三年春瑞金賊何志源沈士昌糾衆作亂號田兵知縣劉翼利其賂而主之府刑館某來攝篆田賊閉城拒不

寧都直隸州志

卷之十四

武事志

十一

得入又殺職方主事某適統兵楊斌至邑人籲請勦賊斌許之殺何志源等數十人沈士昌逸去後復聚奸民報仇焚城外房屋掘墳墓鞭撻尸首總兵周之蕃自吉安歸悉徇田賊所欲豎碑縣門勒以爲例四年知縣徐珩至佃人負固如前僧敬心徐自成所行尤不法珩令生員劉廷弼捕二人斬之田總張勝復煽田賊攻城併焚城外餘屋珩請兵虔院發馬步兵五千人破其山寨戮五六千人害始

除

瑞金志

瑞金縣志曰田賊之害雖由奸民鼓衆倡亂亦由當時有司姑息所至其設心以爲田主之勢足以欺壓佃戶

任其額外苛索故力爲鋤抑以博不畏強禦之名不知此在江浙撫吉之處勢家宦族容或有之若贛屬則佃強主弱事體迥別如不察其土俗而一概施之豈惟教獠升木是直傅虎以翼也如何志源沈士昌距今百有餘年故老談之尙爲寒心乃其流毒餘孽至今猶未全息康熙中訟連禍結經各大憲嚴加懲創煌煌明示勒碑縣門謂可永矢勿失乃雍正七年有皖人來爲郡守無荆公之學術而有其執拘意在偏袒下戶奸徒窺見意旨遂乘釁而動聚諸游手沿鄉科歛按畝索錢挺身爲詞首創立名歛用誣田主其大端則以革批賃桶子

寧都直隸州志

卷之十四

武事志

十二

白水爲詞郡守信之檄行各縣悉爲革除以致主佃相獄累歲未已不知批賃者瑞邑之田價重租輕大約佃戶所獲三倍於田主又有晚造豆麥油菜及種芋與薯烟薑菜之利例不收租田主旣費重價又納糧差凡陂塘水利歲有修理佃戶一切不與故於批耕之時量出些微以少答田主之重貲自後十年一次尙不及百分之一未爲過也况必經一番批賃稍可清釐積欠查明界限庶無換墩移坵指鹿爲馬之弊非無故而生枝節也若歷久總不換批則佃佔主業拋荒失界百弊叢生矣若所謂白水者其田原無灌蔭田主自爲開濬山塘

或障截溪澗所費不貲例應主七佃三佃戶一時不能措辦田主寬其限期許於納租時量出花利若干謂之白水此田主寬恤之德反以爲苛虐可乎若桶子卽正桶也官桶收租天下通例瑞所用鄉桶較官桶差小瑞桶

每桶三斗六升三桶爲一石合之得十八斗八升較之官桶雖多八升但鄉斗止八升三合計每石實少一斗

七升加以所餘八升作六升六合實應補官桶一斗零四升應補正桶若干謂之桶

子非正桶外別有桶子也此公不知偏聽彼言是時奉行者又不能詳察底理惟恐稍拂上官之意遂謂每畝正租止容一石一石之外多餘升合卽爲白水一概減去夫第田肥磽作賦輕重自禹貢至今未之有改乃不

寧都直隸州志

卷之十四

武事志

十三

論田之上下概以一石爲限豈通論乎况瑞邑下田有不足一石之租者又何從而取足一石乎幸而此公旋去各上憲洞悉情弊力懲奸徒刁風漸息不然不釀成大亂不止也然批賃一革至今尙未議復而捕租霸耕之訟日積於下懦弱儒生有業不能自主矣豈非偏執之過哉

是歲

三年四年除田賊已併作一八月

大清兵追唐藩至汀州瑞金聞警闔城逃竄邑人江振曦與弟

江二統數千人入汀爲唐藩聲援爲

大兵所殲江二死於七里橋振曦僅以身免

瑞金志

按唐王死事諸臣及布衣士民之殉義者乾隆四十一年奉

旨分別予諡入祠江二之死其不得與殉義士民同邀

旌典者非因其抗我顏行不予甄錄也亦非因後來江振曦江

三之流毒桑梓輒并江二之赴義而沒之也瑞金志直

書其事其義自見

順治五年二月賊有稱安恪王者入石城招番天賊擾亂

城居隨領入廣

石城志○陽都志載明未有稱安恪王者率數千人攻城城中鼓舞奮擊殺數十人

賊遁去而未載入寇年月三月溫應宣招集客綱攻陽都

嚴禦之遂逃遁

陽都志舊

瑞金奸民假名起義招聯廣賊閻王

寧都直隸州志

卷之十四

武事志

十四

總等欲先服瑞金叅將馬某統兵五百駐邑城每出兵斬

獲甚多賊屬喪氣時閻王總扎營招召鄉王昌扎營九堡

瑞金志

五月金聲桓遣田廣業知石城逐知縣劉世禎廣賊

黃昌復駐石城黃徵印據通天寨久之乃去

石城志叅江西通志

六

月瑞金賊江振曦擁僞官楊聯芳蒞任陳兵壓境殺巡檢

陳宏先教官龔一鵬指名索城中三人助餉鄉兵奮力出

鬪斬曦弟江三揭首於竿支解其尸振曦怒召集鍾四總

及各縣山賊合五六萬聲言破城無老幼皆屠之邑人楊

天極等出已貲懸賞購賊黃白二哨鄉勇奮力爭先日斃

賊數十人賊不敢逼城城外樹柵爲守圍四閱月乞師於

贛七次時金聲桓攻贛甚急無兵救援生員朱璣等復乞師於汀汀鎮賀遣李應進將兵擊賊圍始解

瑞金志

瑞金縣志曰振曦明季曾官把總其兄弟之沒也鄰邑之士嘗輓之以詩有碧血橫流天地開之句其後人因謂可少掩其賊名夫頑民罔識天命攸歸卽迪屢不靖聖人猶或原之若夫暴虐無辜流毒桑梓卽使奉命興師猶不能不干王朝之誅况其爲揭竿持梃之旅乎原江氏入汀以赴唐藩之急也雖罔知順逆不量兵力以致殲其師戮其弟而不悔猶託於跖犬吠堯之義故鄰士不察哀其志而弔以詩乃其後乘金王之變招聯閩

寧都直隸州志

卷之十四

武事志

十五十六

廣劇賊肆行叛亂殺官劫民備極慘酷以致合城痛恨生致其季弟而轅裂之曦猶不悛愈加威虐圍城四閱月使非朱璣等瀝血秦廷則救兵不至合城老幼不將盡爲鯨鯢乎若振曦者所謂假名義以濟其惡者也

是歲陽都賊彭賀伯與里巷無賴彭達慶蔡作如蔡祥生馬松齡連茂子楊牛牯賴瑞瞻周善慶等結關聖會猖獗

莫制

舊志

按聚黨結會多里巷無賴游民彼不知

功令森嚴始以羣飲繼於酗酒無端滋事官斯土者必宜早杜其原至於猖獗莫制而始爲力抑亦晚矣

順治六年彭賀伯據陽都城知縣田書被害縣丞典史教官俱逸去邑罹其毒舊志流賊張自盛從陽都屯東龍十

一月二十七日夜嚴寒雨雪石城守禦皆卧內應起縱火北門賊乘機攻城城陷署縣郭自修遇害擁典史吳遵文入東龍營罵賊不屈賊支解之明日通天寨賊衆黃士英等繼至殺擄百姓婦女焚城中房屋幾盡石城志

是歲陽都土賊宋惟耐張振寰江習成等嘯聚懷德鄉黃陂山寇響應居民廖保珍最驍勇賊畏之徑造其家求與盟保珍允諾惟耐草盟書振寰習成皆散立保珍佯取習成佩刀把玩良久遂手刃二人惟耐走及門劈柴者以斧

寧都直隸州志

卷之十四

武事志

十七

砍之死持其首示衆賊諭令解散歸業地方獲安舊志

順治七年二月孔鮒二將軍克陽都城斬彭賀伯等駐扎陽都秋知縣徐士亮到任建設營鎮地方始靖舊志

贛郡張志曰陽都彭順慶善技擊以力雄里巷邑中無賴少年多依之其族人錕故與楊廷麟善順慶亦常率其徒投廷麟因人少不足爲用散去廷麟敗死銀匿其少子以此爲怨家所持會聲桓之變叛者輒引錕與俱順慶亦以其閒聚衆害邑令恣殺掠庚寅二月

大兵薄陽都城錕率家人自經死順慶降爲亂兵所殺

按州河東有邱曰侃者善技擊縣有警諸公貴人集勇

力士迎以爲統曰侃辭不肯就以故衆別有附附者嘗與曰侃角技不勝以此爲恨及得衆乘亂妄殺人曰侃避之而縣由是遭屠語詳邱維屏文集縣有警謂是時金聲桓叛江廣合從殘燼幾於復熾也是時江振曦雖暴虐無辜然未入瑞金城故

大兵得擇其渠魁誅之陽都之屠則由邱曰侃不就諸公貴人之迎以致彭賀伯得以有衆故并記之

是歲瑞金劇盜僧超忠據銅鉢山陳其綸據大栢地聲勢相倚知縣錢江計誘超忠縛之以怵其綸其綸佯聽命橫

行如故

瑞金志

寧都直隸州志

卷之十四

武事志

十八

順治八年陽都黃村寇郭達伯叛達伯勇銳善戰叛服不

常孔國治鮑虎皆常爲所敗既就撫矣至是復叛

贛郡張志○邑

志稱郭達伯驍勇絕倫走及奔馬數十人莫撓其鋒身被重創猶持刀不退盤踞山洞劫掠鄉鄰事在順治六年

是歲瑞金賊許勝可自粵寇逋逃歸其綸旋背其綸合閩

寇劉芳羅承俊奔據羅漢巖勢張甚

贛郡張志

順治十年郡將發兵捕郭達伯斬之

舊志

順治十一年瑞金羅漢巖賊許勝可擾石城縣蹂躪下水三里殆盡八月瑞金知縣錢江石城知縣郭堯京請於宜虔撫永貴大發兵圍之勝可欲降未決因其懈擊擒之并

閩寇皆伏誅

贛郡張志參
瑞金石城志

順治十二年宜虔撫永貴進兵取瑞金賊陳其綸其綸戰
敗而逸鄉勇斬其首以獻瑞賊悉平

張顛郡志

順治十六年東南海警陽都賊屯聚文坊村時新城傾圮
十數處官吏議棄新城守內城新城民楊德顯等相率登
陴自保夜半往逐賊敗走之署令楊某捐俸修城士民從
之城復完

顛郡張志邱維屏文集

康熙十三年耿精忠黨長汀吳八十屯石城藍田作亂五
月舉衆圍石城三日解去陽都曾若干與耿逆通自署總
兵率衆寇石城屯長江時石城四處皆賊汀逆賈振魯屯
南郊塔下高某屯山川背吳八十等屯觀嶺騎馬嶺汀州

寧都直隸州志

卷之十四

武事志

十九

留豬坑積寇黃冬生屯郭北黃冬生賈振魯與吳八十等
圍石城三日六月十五日城陷旬餘曾若干移攻陽都閩
寇王甯二隊先至屯河東坊營將劉體君與戰知縣宋必
達使鄉勇佐之寇敗郡將許盛周球自顛至大敗寇於田
頭陽都圍解時顛總戎劉進寶統兵至石城與賈逆遇敗
之餘寇俱遁七月初旬劉總戎入石城招復逃散委顛照
磨李德明署縣事八月福建賊甯早復率衆圍石城旬有
七日九月陽都營中軍管天祥提兵從東龍往勦寇卽奔
值江漲渡河東走者多溺死天祥乃從大河上豐山屯半
月而歸十一月又有陳益後者僞稱將軍擁賊數千駐下

水署任李德明調鄉勇分路勦殺獲益後斬之

郡志參陽
都石城志

按曾若干之亂陽都人散居山砦城內蕭條疾疫繁興
或告巡撫砦堡多從賊巡撫卽爲發兵知縣宋必達刺
血上書爭之乃止

康熙十四年三月興國崖石諸賊擁衆攻雩都北門不克
而退掠大小禾溪及陽都之尖坑等處

張贛郡
志

是歲謝三總寇陽都三總名思禮福建人佃耕邑田後夥
身逆藩於是年十二月十三夜率賊衆焚掠李家坊殺戮
男婦不可勝數

舊
志

康熙十五年耿逆僞將軍劉應麟自汀州出陷

陷當
作掠

瑞金

寧都直隸州志

卷之十四

武事志

二十

張贛郡
志

瑞金縣志曰劉應麟據瑞金一年擄掠財物米穀搬運
赴汀附注云先是十三年耿逆蠢動應麟據汀州聲言
攻贛州取道瑞金知縣霍禹謨遣兩庠生前往偵探說
令弗遽離汀賊信之邑得從容設備皆知縣遣兩庠生
之功也

是年二月甯早復率衆寇石城踞通天砦砦極險峻署縣
李德明率兵弁鄉勇進勦不能搗其巢穴四月汀逆蔡某
至與甯合期以五鼓攻城署縣李偵知之命更鼓遲四於
五比寇至已黎明矣我兵以砲擊之殪賊甚衆賊敗隨遁

去鄉勇追之沿途斬獲無算

石城志衆贛郡張志作十六年三月○

康熙十六年滇僞將韓大任陳堯年襲破吉安我兵圍之潰走四月大任自暘霽抵黃陂堯年自竹篙嶺至緣村殺擄甚慘十月我兵雲集攻之大任撤營走十七年大任奔福建經過瑞金湖陂遇

□兵於老虎嶺交陣互有殺傷積尸滿山谷大任敗走佟大將軍率馬步數萬追至汀州大任赴

親王帳下投誠大將軍師回駐瑞金兩月

舊志瑞金志

按韓大任竄陽都時當事議招撫大任自言非魏伯子吾不信也伯子者際瑞宇也當事遂以招撫事屬際瑞

寧都直隸州志

卷之十四

武事志

二十一

際瑞既痛桑梓之禍無有窮期又聞大任頗爲當世豪亦欲有以全之遂持開府命往招之適江西兵遽從東路逼大任營大任遂疑際瑞賣己又有奸人欲牽率大任降閩軍以成功名者日夜搆於大任大任既敗拔營走際瑞遂遇害

康熙二十七年李矮李滿王煥英等糾佃戶抗租據砦行劫名曰田兵貢生彭榮仁鄧珣武舉曾先定相繼鳴官邑令李聘袒護矮等榮仁子先成顛臺省姪揆文導叅將王國忠引兵捕獲矮以亂民伏法李令革職

舊志

按田兵之起始於汀州留豬坑民黃通與石城溫姓相

仇殺通思大集羽翼乃創爲較桶之說蓋汀州鄉俗以二十升爲一桶名曰租桶及糶則以十六升爲一桶曰衙桶通倡論凡納租悉以十六升之桶爲率一切移畊冬牲豆粿送倉諸例皆罷移畊卽陽都所謂批賃冬牲豆粿卽陽都所謂送年雞鴨及送年糯糍等名目諸佃聞通言歡甚歸通恐後通遂率千數百人攻劫城邑號田兵嗣是而石城之吳萬乾效之瑞金之張勝又效之蔓延及於陽都矣然黃通吳萬乾張勝皆受戮於順治四年李矮獨遲至康熙二十七年始伏誅事詳州人魏禮與李邑侯書

書藝文載

誠敝俗之宜革者也此風今猶未

寧都直隸州志

卷之十四

武事志

二十二

息偶遇荒歉則奸民私立議約預定租額更狡猾不令田主知主議人姓名蓋此輩亦知

功令森嚴但以欠租受控尙可邀官府寬貸若糾衆抗租固大干法究也丙蒞任惟重懲倡議糾衆之人其主佃目有推讓軫恤情分仍爲之原情定讞遂得主佃相安始信瑞金邑志所謂田兵之禍實由有司姑息縱奸之所致者良不誣也

嘉慶八年十月廣昌賊賴達忠石城賊廖廣周李竒文胡儀書王亭軫等約日在陽都石城與廣昌交界之姚坊村謀不軌忽雷電交作雨三晝夜至姚坊者僅四百餘人廣

昌知縣率紳士雨夜團結鄉勇殲斃賴達忠等五十七名生擒一百零四名又搜獲殲斃二百六十三名擒獲送官二十三名其因雨阻隔及姚坊敗回各匪徒計本州境內殲斃二百五十六名擒獲送官三百一十八名石城縣境內殲斃三百六十名擒獲送官一百二十九名此外瑞金永豐及福建汀州等縣各有挈獲歸案之犯秦大中丞承恩偕衡廉訪齡花總鎮連布親至陽都分別凌遲斬決發黑龍江爲奴事平知州黃永綸紀錄二次石城知縣李大謨署州判代理瑞金縣知縣事湯煦皆以陞銜補用州紳士出力者生員萬國凝以訓導卽用武舉管聯標以千總

寧都直隸州志

卷之十四

武事志

二十三

卽用生員宋文賞給訓導銜衛千總黃桂賞給守備銜從九職宋垂勲賞給八品銜其餘分別旌獎有差

原案

按江西各屬邪匪始於貴溪縣奸民吳子祥編造大乘大戒經傳福建之屬縣民李凌魁未幾吳子祥死李凌魁復遇福建邵武民吳韜傳授天地會內暗號因另造陰盤陽盤名目自稱係後唐天子轉世賴達忠廖廣周等皆李凌魁徒嘉慶八年七月福建省挈獲李凌魁正法廖廣周等密約十月十二日亥時於姚坊起事用白布包頭爲李凌魁戴孝報仇幸初八後連日大雨匪黨隔絕無從聯絡此誠

聖主愛養黎元感格

上蒼之所致宜乎萬姓歡呼同聲感頌也

寧都直隸州志

卷之十四

武事志

二十四